

զի լիցի նմայ օգուտ, որպէս որ ես առնէյի վասն մուսիու Պօռէկարին¹⁹: Իբրեւ տեսին նոյն դռան եղօղ ֆռանկքն զգործս նորա, չարացան եւ զրգոնցին զդեսքանն հանել զնայ յիւրմէն եւ կամ սպառնալ նմայ: Պատասխանեց նոցա դեսքանն եւ ասաց. եթէ նայ կամի յելանել յինէն, /209b/ գրկեմ զնայ, փոխանակ սպառնալոյ համբուրեմ զոտս նորա, վասն զի ամենայն ինչ իմաստութեամբ գործէ եւ ջանաց վասն իմ շինիլ շահ եւ այլ: Եղեւ մինչեւ անկաւ յերկիրն ի ձեռն Աղուանից, կտրեցաւ յամեն[ա]յն եկամուտն, հատաւ յոյսն դեսքանին ապրելոյ ի ձեռն մեծամեծ տրտմութեանն կաթիլ հոսանաց զեկոյց դեսքանն այն եւ եղեւ անդամալոյծ: Ամենայն ոք թողին զնայ եւ գնացին, մինչ որ յիւր եխպայրն թողից զնայ եւ գնաց, բազում գովութեանց արժանի ներսէսն պաշտեց զնայ իւր թօշակօքն այնքան, մինչ որ բացան ամենայն ճանապարհ, ապա թէ ուղեւորեց զանդամալոյծն այն, որ գնաց ի Ֆռանս: Զկնի այնքան ժամանակաց անցելոց ցերբ ես եկի ի Իսպահան, տեսի զներսէսն: Զկնի բազում բանիցն ասաց ինձ ներսէսն, թէ ես իմ ծառայութեան վարցն չեմ յուզել, միայն թէ զոր ինչ որ իմ դրամն ծախեցի վասն նորա, զայն պահանջեմ: Զանձրացայ գրելով, ոչ առաքեն զիմ դրամն. թագաւորն ասէ, թէ թող հատուցանէ յիւր եխ-

պայրն, եխպայրն կասէ, թէ թագաւորին բանին համար է իմ եխպայրն այն պարտ արել. ես ոչ կամիմ տալ: Այսպէս եղեւ իմ գործոց հատուցումն, ահա ես ծերացայ, ոչ կարեմ գնալ անդ եւ որ նոքայ Աստուծոյ ոչ երկնչին, ոչ գիտեմ, թէ որպէս պարտիմ ապրիլ եւ կամ պահել զտղալքն իմ: Այսպիսի տրտմութեամբ մեռաւ /210a/ ներսէսն:

— Երրորդ զիմ բանն, թէ որպէս սկսեցի, որպէս աշխատեցայ, վերջն զինչ արարին ընդ իս, որ յայտնի չէ ամենայն աշխարհի, որպէս որ վերոյն յատմի զիմ արարն եւ հատուցումն նոցա:

Հ. Այս աշխարհականաց եւ թագաւորաց արարն է, երբեմն պատահի, որ այնպիսի զրկանք գործեն, բայց մեր կրօնաւորքն ընդէ՞ր պարսաւիս:

Պ. Բազումք են եւս արարն կրօնաւորացն ձերոց եւ անթիւք, բայց ես յայտնեմ աստ քեզ շորիս իրս, զորս ես գիտեմ եւ վկայեմ զորս տեսի աշօք իմօք: Նախ այր ոմն օլթեցի Աւլան աւնուն, այրի, ամենեւին հաւատարմաբար ծառայեաց Դավրեժու քափուլինացն: Զկնի ժամանակաց հանին զնայ յունայն եւ ոչ հատուցին նմա վարձ, պատճառեցին, թէ դուն հազող ճմլես եւ զինին վաճառես: Պատասխանէր այրին պատրի՞ ոչ է ամօթ եւ ոչ է արգիլեալ, ես այլ ուրիշ վարք չունիմ, որ գործեմ, միայն թէ այս արդար վաստակօքն կամիմ շահիլ ինչ եւ տալ աղքատաց, մանաւանդ որ իմ ընտանիքն աղքատ են, կամիմ օգնել նոցա, բազում անգամ դուք վաճառեցիք: Պատասխանեցին նմայ, թէ մեք պատճառ ունիմք, յերբոր ժամանեմք, նոր գինուն հինն վաճառեմք, զի մի քացախի:

Հ. Այս իրաւ է, քափուլինքն պարտական չէին նմայ վարձ տալ, քանզի ինքն խոստացել էր ձրի ծառայել վանուցն մինչ ի յիւր մահն, որպէս որ կրօնաւոր ոք:

/210b/ Պ. Ապա ընդէ՞ր ոչ պահեցին զնայ մինչեւ ի մահ, այլ տարագէպ հանին զնայ:

Հ. Որ ոչ հնազանդեցաւ հրամանաց մեծաւորաց, վասն այնորիկ ոչ կարեցին յաւել պահել զնայ, ինքն պատճառ եղեւ, որ հանին զինքն:

19 Bearegard (Бургаръ, Борегадъ, Боргар[дов], Պօռէկար եւ այլն) — ֆրանսիացի զինուորական, 1707 թուականից Իսրայէլ Օրու դեսպանագնացութեան քարտուղար: 1709 թ. Եդիս Մուշեղեանի ձեռն միասին Մոսկուա էր տանում Օրու նամակը՝ ուղղում իշխան Գագարինին եւ կանցլեր Գոլովկինին (մանրամասն տե՛ս Դ. Ա. Զօւ. Сношения Петра Великого с армянским народом, СПб., 1898, стр. 249, 251, 267, 283, 287-288, 320-321; Армяно-русские отношения в первой трети XVIII века. Сборник документов. Том II, часть I, Под ред. Ашота Иоаннисяна, Ереван, 1964, док. 123, стр. 287-289, док. 129, стр. 298-304): Աւելի ուշ Արեւելահնդկական առևտրական ընկերութեան կառավարիչն էր Թաւրիզում, իսկ օգնականը՝ Եդիս Մուշեղեանը: Վերջինիս թողած գրական ժառանգութիւնը վկայում է նրանց ամենեւին էլ ոչ անսկզբ յարաբերութիւնների մասին: